

**Uunga siunnersuut: Aatsitassanut tunngasunik suliaqarneq pillugu Inatsisartut inatsisaat**  
(Aatsitassanut Inatsisillu Atuutsinneqarnerannut Naalakkersuisoq)

**Akissuteqaat**

(Aatsitassanut Inatsisillu Atuutsinneqarnerannut Naalakkersuisoq)

**Aappassaanik sularinnineq**

Naalakkersuisut matumuuna Inuussutissarsiornermut Aatsitassanullu Ataatsimiititaliaq qujaffiginiaarpaat inatsisissamut siunnersuut sukumiisumik sularisimanera pillugu.

Ataatsimiititaliami amerlanerussuteqartut inassutigisimavaat siunnersuutip akuerineqarnissaa.

Ataatsimiititaliali isumaliutissiisummut ilassummi Naalakkersuisut kaammattorpaat allanngutissatut siunnersuummik saqqummiusseqqullugit, siunnersuutip pingajussaarlugu sularineqarnissaanut, ataatsimiititaliap siullermik isumaliutissiisutaani kissaatit saqqummiunneqartut saniatigut aammattaaq Sulisitsisut ernummatitut taasaannut attuumassuteqartunik maleruagassanut arlaqartunut allannguutissanik imaqtussamik.

Taamaalilluni siunnersuutip § 35-ani, misissuinissanut akuersissutinik nalunaaruteqarnissaq sioqqullugu tusarniaanernut tusarniaanermi piffissaliissutinut tunngasuni, tusarniaasernerit sivisussusaannut sivilunerpaaffiliinissaq ilanngunneqassasoq.

Siunnersuummi § 45-ni taaguut “ulluinnarni aqutsisut” allanngortinneqassasoq ullutsinni aammalu nunani assigiinningsuni atorineqarnerusumut “aqutsisut inissisimaffiat”-nut.

Siunnersuummi §§-it 52 aamma 53 nunaqavissunik sulisoqarnissamut aamma nunaqavissunik pilersuisoqarnissamut aammalu nunani allani sularieqqiisarnernut tunngasut allanngortinneqassasut, taamaalilluni aatsitassanut ikummatissanullu inatsimmi maleruagassat ingerlateqqiinnarneqassalutik.

Siunnersuummi § 140-mut maleruagassamik ilanngussisoqassasoq akiliisitsinernik pisussaaffiliisarneq pillugu, tamatuma kingorna nalunaarummik atuutsitssoqalissasoq akiliisitsinernik pisussaaffiliissutit annertussusissaat pillugit.

Naalakkersuisut allannguutissatut siunnersuutit saqqummiunneqartut tunngavigalugit pingajussaarinninnissamut siunnersuuteqassapput.

Naalakkersuisut sinnerlugit nuannaarutigaaara ataatsimiititaliami amerlanerussuteqartut inassutigimassut siunnersuutip akuerineqarnissaa.

Naalakkersuisut taama oqaaseqarlutik siunnersuut aappassaanik sularianngortippaat.